

禮記訓纂

冊六

禮記訓纂卷三十二

寶應朱彬輯

表記第三十二

鄭目錄云名曰表記者以其記君子之德見於儀表此於別錄屬通論

子言之歸乎君子隱而顯不矜而莊不厲而威不言而信

注此孔子行應聘諸

侯莫能用己心厭倦之辭也矜謂自尊大也厲謂嚴顏色正義歸乎者於是孔子身在他國不被任用故稱歸乎君子身雖幽隱而聲名顯著故云隱而顯也莊敬也言不自尊大而人尊敬也不自嚴厲而人威服也不須出言而人體信以其積德感通故所致如此馬彥醇曰不矜不厲不言所謂隱也莊威信所謂顯也○矜居陵反

子曰君子不失足於人不失色於人不失口於人是故君子貌足畏

也色足憚也言足信也

注失謂失其容止之節也玉藻曰足容重色容莊口容止

甫刑曰敬忌而

罔有擇言在躬

注甫刑尚書篇名忌之言戒也言己外敬而心戒慎則無有可擇之言加於身也正義甫刑呂刑也呂與

叔曰冠義曰禮義之始在於正容體齊顏色順辭令所謂足者舉動是也修此三者敬而已矣故貌敬則足畏也色敬則足憚也言敬則

足信也○憚大曰反

子曰褐襲之不相因也欲民之母相瀆也

注不相因者以其或以褐為敬或以襲為敬禮盛者

以襲為敬執玉龜之屬也禮不盛者以謁為敬受享是也正義按聘禮賓初行聘時則襲故聘禮云賓襲執圭是也至受享之時賓謁奉束帛加璧行享聘為禮盛故襲享為禮不盛故謁聘時有玉故曰執玉但以璧致享比聘時執玉為輕故享雖有璧而謁也又賓介自相授玉之時介禮輕謁而執圭以授賓賓禮重則襲而後受圭是賓之與介亦謁襲不相因也○謁思歷反襲音習

子曰祭極敬不繼之以樂朝極辨不繼之以倦注極猶盡也辨分別政事也祭義曰祭之

日樂與哀半饗之必樂已至必哀應子和曰報本始莫重乎祭一毫不敬則曠而不接矣其可以樂而散其志乎正名分出政令者莫嚴於朝一事不辨則紊而不治矣其可以倦而懈於事乎○樂音洛倦本又作勸其音反

子曰君子慎以辟禍篤以不揜恭以遠恥注篤厚也揜猶困迫也正義君子篤厚行於善道不

使揜逼而被困迫又能恭敬而遠恥辱也○辟音避揜於檢反

子曰君子莊敬日強安肆日偷君子不以一日使其躬儻焉如不終

日注肆猶放恣也偷苟且也肆或為褻儻焉可輕賤之貌也如不終日言人而無禮死無時正義言君子恆能莊敬故德業日強小人安樂放恣則其情性日為苟且死期促近不能終竟一日也○儻徐在鑑反

子曰齊戒以事鬼神擇日月以見君恐民之不敬也注擇日月以見君謂臣在邑竟

者正義或出使在外或食邑別都見君須擇日月也○齊側皆反

子曰狎侮死焉而不畏也注怙於無敬心也正義言小人遞相輕狎侮慢相侵雖有禍害而不知畏懼也○狎

下甲反

子曰無辭不相接也無禮不相見也欲民之母相褻也注辭所以通情也禮謂摯

也春秋傳曰古者諸侯有朝聘之事號辭必稱先君以相接也正義言朝聘會聚必有言辭以通情意摯幣以示己情所以然者欲民之

無相褻瀆易曰初筮告再三瀆瀆則不告注瀆之言褻也正義此易蒙卦辭蒙卦坎下艮上艮為山坎為

水山下出泉是物之蒙昧童蒙之象也筮問也言初來問師師則告之若再三來問師則不復告之證無相褻瀆之義也○褻息列反筮

市制反

子言之仁者天下之表也義者天下之制也報者天下之利也注報謂禮

也禮尚往來正義言仁是名之盛極故為天下之儀表義宜也制謂裁斷既使物各得其宜是能裁斷於事也報謂禮也禮尚往來物得

其利故云天下之利也方性夫曰仁之以長人故曰天下之表義足以方外故曰天下之制報之為禮固明不曰禮而曰報者禮不止於

報也子曰以德報德則民有所勸以怨報怨則民有所懲詩曰無言不

讎無德不報大甲曰民非后無能胥以寧后非民無以辟四方注懲謂創

艾讎猶答也大甲湯孫也書以名篇胥相也民非君不能以相安正義詩大雅抑之篇書尚書大甲之篇伊尹言民若無君無能相匡正

以自安居君若無民無以君領四方引之者證君臣上下各以其事相報答也○懲直陵反讎音酬大音泰辟音璧

子曰以德報怨則寬身之仁也以怨報德則刑戮之民也注寬猶愛也愛身以

息怨非禮之正也仁亦當言民聲之誤彬謂鄭因下刑戮之民而言其實仁即人字古通用○戮音大本或作僂同

子曰無欲而好仁者無畏而惡不仁者天下一人而已矣是故君子

議道自己而置法以民注一人而已喻少也自己自盡己所能行正義凡人好仁皆有所欲今無所欲而自好仁

凡人憎惡不仁皆有所畏今無所畏而惡不仁君子謀議道理先自己始己所能行乃施於人故云置法以民

子曰仁有三與仁同功而異情注三謂安仁也利仁也強仁也利仁強仁功雖與安仁者同本情則異正義此明仁道有三一則無所求而安靜行仁一則規

求其利而行仁一則畏懼于罪而行仁是異情也與仁同功其仁

未可知也與仁同過然後其仁可知也仁者安仁知者利仁畏罪者

強仁注功者人所貪也過者人所辟也在過之中非其本情者或有悔者焉正義與人同功其功俱是泛施博愛是未可知也過謂

利之與害若遭遇利害之仁者右也道者左也仁者人也道者義也

事其行仁之情則可知也注右也左也言相須而成也人也謂施以人恩也義也謂斷以事宜也春秋傳曰孰未有言舍之者此其言舍之何人也正義仁者右也

道者左也此明仁義相須若手之左右右手是用之便也道是履蹈而行故為左仁者人也言仁恩之道以人情相愛偶也義宜也必斷

割得宜然可履路
故云道者義也

厚於仁者薄於義親而不尊厚於義者薄於仁尊

而不親

注言仁義並行者也仁多則人親之義多則人尊之吳幼清曰仁右義左猶言禮先樂後蓋仁者中心所具之德體也道

者事物所由之路用也體先用後故借左右以喻其分非謂尊卑懸絕也仁之爲體以此心之在人者言故曰人也道之爲用以事物之

義理而言故曰義也人之氣稟得生物之氣多者仁厚而義薄得收物之氣多者義厚而仁薄仁者溫然慈惠故人親愛之義者截然裁

制故人尊敬之○知音智強其兩反

道有至義有考至道以王義道以霸考道以爲無失

注此讀當言道有至有義有考

字脫一有耳有至謂兼仁義者有義則無仁矣有考考成也能取仁義之一成之以不失於人非性也呂與叔曰至道者至於道之極不

可以有加也所謂所謂過者化所存者神故曰至道以王義道者揆道而裁之者也所謂制節謹度是可以有國而長諸侯者也故曰義道

以霸考道者必稽古昔稱先王所謂非法不言非道不行雖未達道亦庶幾乎不失道矣葉少蘊以仁爲人道之至故三代得天下以仁

所謂至道以王義者制事而有宜五霸假仁而近義所謂義道以霸仁義不足於己而能考合於道而行之則亦無失於己蓋王霸之道

有得於民而無失者得己而已

子言之仁有數義有長短小大中心懔懔

廣雅懔懔恒痛也

愛人之仁也率法

而強之資仁者也

注資取也數與長短小大互言之耳性仁義者其數長大取仁義者其數短小

詩云豐水

有芑武王豈不仕詒厥孫謀以燕翼子武王烝哉數世之仁也

注芑

也仕之言事也詒遺也燕安也烝君也言武王豈不念天下之事乎如豐水之有芑矣乃遺其後世之子孫以善謀以安翼其子也君哉

武王美

國風曰我今不閱皇恤我後

今手詩作我躬不閱遑恤我後

終身之仁也

注

猶容也皇暇也恤憂也言我今尚恐不能自容何暇憂我後之人乎正義中心潛恒天性自仁率法而強之非是天性直取仁道行之者也引詩大雅文王有聲之篇以武王行仁遺及子孫是仁之所及其數長也引邶風谷風之篇證取仁而行唯在我當身之上何暇憂及後世是終身之仁也呂與叔曰以其誠心愛人故曰愛人之仁以其有取於外故曰資仁淺深之數也數世之仁終身之仁此所施遠近之數也○數所任反潛七感反恒丹葛反芑音起詒以之反

子曰仁之爲器重其爲道遠舉者莫能勝也行者莫能致也取數多

者仁也夫勉於仁者不亦難乎

注取數多者言計天下之道仁居其多正義仁非賢聖不能行故言爲器

重以廣博覆物是爲道遠也取數多者仁也言利益于物取數最多者仁也故勉力行仁者不亦難乎

是故君子以義

度人則難爲人以人望人則賢者可知已矣

注言以先王成法擬度人則難中也當以時人

相比方耳正義言在上君子欲使人必行先王成法則難爲人望比也以今世比望于古人能合于世事者則是賢人也

子曰中心安仁者天下一人而已矣大雅曰德輶如毛民鮮克舉之

我儀圖之惟仲山甫舉之愛莫助之

注輔輕也鮮罕也儀匹也圖謀也愛猶惜也言德之輕如毛耳

人皆以為重罕能舉行之者作此詩者周宣王之大臣也言我之匹謀之仲山甫則能舉行之美之也惜乎時人無能助之者言賢者少

正義詩大雅烝民之篇引以明行仁者少也

小雅曰高山仰止景行行止

注仰高勤行者仁之次也景明

也有明行者謂古賢聖也正義小雅車輦之篇朱子曰景行大道也高山則可仰景行則可行釋文仰止本或作仰之行止詩作行之

子曰詩之好仁如此鄉道而行中道而廢忘身之老也不知年數之

不足也俛焉日有孳孳斃而后已

注廢喻力極罷頓不能復行則止也俛焉勤勞之貌斃仆也王氏念

孫曰說文攷攷攷也皋陶謨予思日攷攷孳與攷通

子曰仁之難成久矣人人失其所好

注言仁道

不成人所由不得其志

故仁者之過易辭也

注辭猶解說也仁者恭儉雖有過不甚矣唯聖人無過應子和曰安

仁者雖獨立無儔然德本其輕人自鮮舉幸有能者當衆圖而共助仰高勤行終其身而後已是其望於人者無已不容有自怨之心也

呂與叔曰仁者之心公衆人之心私心誠鄉仁雖有過差有情則善不待辭而辨矣○轡音酉一音由鮮息淺反景行下孟反好呼報反

下同俛音免孳音茲斃音弊

子曰恭近禮儉近仁信近情敬讓以行此雖有過其不甚矣夫恭寡

過情可信儉易容也以此失之者不亦鮮乎

注言罕以此失之

詩曰溫溫恭

人惟德之基

正義禮主於敬故恭近禮儉不費用無害於物故近仁信謂言語信實故近情恆能恭敬故寡過以情示人故

可信儉則寡求故易容詩大雅抑之篇結恭近禮也

子曰仁之難成久矣唯君子能之

注言能成仁道者少也

是故君子不以其所

能者病人不以人之所不能者愧人

注病愧謂罪咎之

是故聖人之制行也

不制以己使民有所勸勉愧恥以行其言

注以中人爲制則賢者勸勉不及者愧恥聖人之言

乃行也正義君子不以己之所能使他人必能是不以所能之事病困于人也若他人之所不能則以爲愧恥故不以人所不能恥愧于

人但制以中人之行使得可行則民自勸勉不能者自懷愧恥則民得以行聖人之言也

禮以節之信以結之容

貌以文之衣服以移之朋友以極之欲民之有壹也

注移讀如禾汜移之移移猶廣

大也極致也壹謂專心於善正義故制以禮信容貌衣服使之尊嚴朋友相勸勵以極致於道欲民專心壹意于善道也

小雅曰

不愧于人 不畏于天

注言人有所有行當慚怖於天人也呂與叔曰君子固賢於衆人矣君子之所能衆人必有不能

者使衆人儆己之所能則病矣使衆人自彰其不能則愧矣故聖人制行必以天下所能行者爲之法所以爲達道也惟不制乎己故民

知歧乎此而有所勸勉知不及乎此而有所愧恥則知所尚矣非特此也制禮以節其行而使之齊立信以結其志而使之固容貌必稱

其志衣服必稱其容朋友切磋相成至於極而後已則一道德以同俗矣蓋修其外則知愧于人修其內則知畏于天故曰不愧于人

畏于天○
移昌氏反

是故君子服其服則文以君子之容有其容則文以君子之辭遂其

辭則實以君子之德注遂猶成也是故君子恥服其服而無其容恥有其

容而無其辭恥有其辭而無其德恥有其德而無其行注無其行謂不行其德

是故君子衰經則有哀色端冕則有敬色甲冑則有不可辱之色注

色稱其服也詩云惟鵜在梁不濡其翼彼記之子今詩作彼其之子不稱其服注鵜

鵜胡污澤也污澤善居泥水之中在魚梁以不濡污其翼為才如君子以稱其服為有德正義實猶充也言君子既成其文辭則當實以

君子之德內既有德當須以德行之於外若有德無行是君子所恥詩曹風候人之篇刺曹共公之詩言君子內外皆須相稱故引此詩

結之方性夫曰衰者齊衰斬衰經者首經要經皆喪服也端元端冕者袞冕之類皆祭服甲以被體冑以加首皆兵服也○衰七雷反經

田節反冑直又反鵜音啼濡而朱反

子言之君子之所謂義者貴賤皆有事於天下天子親耕粢盛秬鬯

以事上帝故諸侯勤以輔事於天子注言無事而居位食祿是不義而富且貴釋文杜預云黍稷曰

粢在器曰盛秬黑黍鬯香酒也正義按小宰注云天地大神至尊不裸此祭上帝有秬鬯者凡鬯有二和之以鬱謂之鬱鬯鬱人所掌是

也祭宗廟而灌也若不和鬱謂之秬鬯人所掌是也謂五齊之酒以秬黍為之以芬芳調暢故得以事上帝○案音各秬音巨鬯勅亮

子曰下之事上也雖有庇民之大德不敢有君民之心仁之厚也注庇

覆也無君民之心是故君子恭儉以求役仁信讓以求役禮不自尚

其事不自尊其身儉於位而寡於欲讓於賢卑己而尊人小心而畏

義求以事君注役之言為也求以事君者欲成其忠臣之名也得之自是不得自是以聽天

命注言不易道詩云莫莫葛藟施于條枚凱弟君子求福不回注凱

弟易也言樂易之君子其求福修德以俟之不為回邪之行以要之

如葛藟之延蔓於條枚是其性也釋文毛詩傳云枝曰條幹曰枚

其舜禹文王周公之謂與有君民之大德有事君之小心注言此德

詩云惟此文王小心翼翼昭事上帝聿懷多福厥德不回以受方國

注昭明也上帝天也聿述也懷至也言述行上帝之德以至於多福

也方四方也受四方之國謂王天下正義言君子既有庇民大德又

自謙退不敢有君民之心得之謂得利祿也言不問得之與失恆行

其是而不行非也莫莫葛藟詩大雅旱麓之篇惟此文王此大雅大

明之篇美文王之詩引之者證上求福不回也○

庇必利反藟音諫力水反施以歧反枚志回反

子曰先王謚以尊名節以壹惠恥名之浮於行也

注謚者行之迹也名者謂聲譽也言

先王論行以爲謚以尊名者使聲譽可得而尊信也壹讀爲一惠猶善也言聲譽雖有衆多者卽以其行一大善者爲謚耳在上曰浮君

子勤行成功聲譽踰行是所恥五經通義有德則謚善無德則謚惡故雖君臣可同又曰謚者累生時之行而謚之生有善行死有善謚

所以勸善戒惡也謚之言列其所行身雖死名常存故謂謚也是故君子不自大其事不自尙其功

以求處情過行弗率以求處厚彰人之善而美人之功以求下賢

循也過行不復循行猶不貳過是故君子雖自卑而民敬尊之

注言謙者所子曰后稷天下之爲烈也豈一手一足哉

注烈業也言后稷造稼穡天下世以爲業豈一手一足喻用之者多

無數也唯欲行之浮於名也故自謂使人

注亦言其謙也辟仁聖之名云吾便習於此事之人耳正

義謚謂謚號名謂聲譽君子既不欲行過於名故不自誇大其所爲之事不自尙尙其所爲之功以求處情實不欲虛爲矯飾也后稷周

之始祖有播殖之功烈業也言后稷唯欲得實行過於虛名故自謂便於稼穡之人不謂己之仁聖也方性夫曰生則有名死則有謚公

叔文子之子請謚曰請所以易其名者是矣謚以誅行而爲之行不一也特以所隆者之一端而爲之節爾故曰節以壹惠楊子曰自下

者人高之故曰君子雖自卑而民敬尊之○謚音示行下孟反

子言之君子之所謂仁者其難乎詩云凱弟君子民之父母凱以強

禮記訓纂卷三十一

六中華書局聚

教之弟以說安之

釋詁弟易也邵氏晉涵曰表記引詩而釋之曰弟以說安之毛傳作易以說安之

樂而毋

荒有禮而親威莊而安孝慈而敬使民有父之尊有母之親如此而

后可以爲民父母矣非至德其孰能如此乎

注有父之尊有母之親謂其尊親已如父母正

義詩大雅洞酌之篇戒成王之詩凱樂也弟易也言使民樂易之君子則得爲民之父母孔子既引詩又釋凱弟之義言君子以仁政化

下使人自強不息是凱以強教之弟謂遜弟以遜弟之道下化於民民皆悅豫是弟以說安之樂失於荒禮失於疏明君教下爲樂而毋

荒有禮而相親矜莊者失在危懼孝慈者失在慢易明君臨下威嚴矜莊而民安孝順慈愛而民敬故民尊之如父親之如母也○強徐

其兩反說音悅

今父之親子也親賢而下無能母之親子也賢則親之無能則憐之

母親而不尊父尊而不親水之於民也親而不尊火尊而不親土之

於民也親而不尊天尊而不親命之於民也親而不尊鬼尊而不親

注或見尊或見親以其嚴與恩所尚異也命謂四時政令所以教民勤事也鬼謂四時祭祀所以訓民事君也正義父立於義分別善惡

母以恩愛不能分別善惡也呂與叔曰水者民狎而玩之火者民望而畏之此水火尊親之異也地載我者也然近人可得而履天覆我

者也然遠人不可階而升此天地尊親之異也君之命見於事近人而可行鬼之道存諸理遠人而不可私此人鬼尊親之異也

子曰夏道尊命事鬼敬神而遠之近人而忠焉先祿而後威先賞而

後罰親而不尊

注遠鬼神近人謂外宗廟內朝廷

其民之傲憊而愚喬而野朴而不

文

注以本不因於刑罰少詐諛也傲謂政教衰失之時也正義言夏為政之道尊重四時政教之命使人勸事樂功也傲謂後世政教

衰敗民皆蠢愚所以然者民承寬裕無澆詭也喬野者亦因寬裕忠恕至末世民猶質朴不競文華也殷人尊神率民

以事神先鬼而後禮先罰而後賞尊而不親

注先鬼後禮謂內宗廟外朝廷也禮者君臣朝

會凡以摯交

其民之傲蕩而不靜勝而無恥

注以本伏於鬼神虛無之事令其心放蕩無所

定困於刑罰苟勝免而無恥也正義殷本尚虛無至末世傲失民放蕩不能安靜也

周人尊禮尚施事鬼敬神

而遠之近人而忠焉其賞罰用爵列親而不尊

注賞罰用爵列以尊卑為差

其民

之傲利而巧文而不慚賊而蔽

注以本數交接以言辭尊卑多獄訟正義按元命包云夏人立教以忠其

失野故救野莫若敬殷人立教以敬其失鬼救鬼莫若文周人立教以文其失蕩故救蕩莫若忠周則復始窮則相承此三王之道故三代不同也呂與叔曰夏周尚親而不尊故遠神而近人殷人尚尊而不親故先鬼而後禮夏尚忠忠者奉上故尊命殷尚質質者不欺故

尊神周尚文文者多儀故尊禮賞罰用爵列者如刑不上大夫禮不下庶人賜君子小人不同日命夫命婦不躬坐獄訟之類雖主於文

亦人情之近厚者所以親而不尊也忠之政使民近人而已不求其所不能知勸於為善而已不責其所不能為及其末也人不知進於

學故守其顓蒙不困於刑罰故不爲詐諛忠之敝至於愚而野故殷人尊神以救之民知敬鬼神則誠也及其末也求神於虛無不可知之域則茫然不知其所安畏威於無所措手足之地則不知禮義之所貴故周人尊禮以救之禮人文也人文之著則上下有等親疏有辨及其末也溺於文而不求其實拘於末而不反其本故其俗文而不慚文勝質而不知義也其民則賊而蔽不反其本故賊於其末不求其實故敝於虛文也三代之本末可知矣○徐昌容反喬音驕朴普角反勝始證反施始歧反

子曰夏道未瀆辭不求備不大望於民民未厭其親殷人未瀆禮而

求備於民周人強民未瀆神而賞爵刑罰窮矣注未瀆辭者謂時王不尚辭民不襲爲也

不求備不大望言其政寬貢稅輕也強民言承殷難變之敝也賞爵刑罰窮矣言其繁文備設正義上明三代尊親有異此更明三代治

民有異之事夏時君既不尚辭民亦不爲求備謂每事徵求皆令備足民無困苦故未厭其上下相親之心也未瀆禮言君臣上下於禮

簡略也周承殷後遭紂衰亂風俗頑凶設教強勸人以禮義周人貴禮往來交接窮極煩多夏言未瀆辭則殷瀆辭也殷未瀆禮則周瀆

禮矣周未瀆神則周衰之後瀆神也呂與叔曰不求備者不責人之善故政令簡不大望者不竭人之忠故貢賦輕民所以易從而未厭

其親責人之信己必從而後已殷人之所以求備於民也周人強民驅之於善從之有爵賞不從有刑罰故爵賞刑罰窮矣○強其兩反

子曰虞夏之道寡怨於民殷周之道不勝其敝注勝猶任也言殷周極文民無恥而巧利

後世之政難復子曰虞夏之質殷周之文至矣注言後有王者其虞夏之文作質文不能易之

不勝其質殷周之質不勝其文

注言王者相變質文各有所多正義虞夏政寬故寡怨於民殷周文煩失

在苛碎故民不堪敝敗也不言無怨而言寡怨者天地之大猶有所憾至極也言虞夏為質殷周為文並已至極後王不能過虞夏之時

文少質多故文不勝質殷周質少文多故不勝其文方性夫曰加乎虞夏之質則為上古之洪荒加乎殷周之文則為後世之虛華此其

所以為至與

子言之曰後世雖有作者虞帝弗可及也已矣君天下生無私死不

厚其子子民如父母

王氏引之曰謂慈民如父母也

有憺怛之愛有忠利之教親而

尊安而敬威而愛富而有禮惠而能散其君子尊仁畏義恥費輕實

忠而不犯義而順文而靜寬而有辨

注死無以豐饒於諸臣也恥費不為

辭費出空言也實謂財貨也辨別也猶寬而栗也靜或為情王氏引之曰情正字也靜借字也文而情者外有文章而內誠實也情與文

相對

甫刑曰德威惟威

今尚書作德威惟畏

德明惟明非虞帝其孰能如此乎

注德所威則人皆畏之言服罪也德所明則人皆尊寵之言得人也釋文威畏也正義子謂商均也子民如父母者謂如父母愛子也有

憺怛之愛者舜天性仁故憺愛於人有忠利之教者言有忠恕利益之教也親而尊者有母之親有父之尊安而敬者體安而能敬即前

威莊而安也威而愛者有威而又有愛也富有四海而不驕是有禮也施惠得所為能散也君子謂虞臣也君聖臣賢是由舜而然也民

有仁者則尊之有義者則畏之貴人而賤祿是輕財也盡心於君是其忠也無違政教是不犯也引甫刑者所以結舜德也呂與叔曰一以義斷或入於不順則不愛敬主於別別則文文煩則不靜愛主於恩恩則寬寬而踰節則無辨行此道而天下敬之則德威也行此道而天下愛之則德明也吳父清曰恥費不修用也○慥七感反怛旦達反費芳貴反

子言之事君先資其言拜自獻其身以成其信

注資謀也獻猶進也言臣事君必先謀定

其言乃後親進爲君言也

是故君有責於其臣臣有死於其言故其受祿不誣其

受罪益寡

注死其言者竭力於其所言之事死而不負於事不信曰誣正義以其言善乃受祿是受祿不誣死其言以竭臣力

是受罪益寡也○誣音無

子曰事君大言入則望大利小言入則望小利

注大言可以立大事也小言可以立小事

也入謂君受之利祿賞也入或爲人

故君子不以小言受大祿不以大言受小祿

注言臣受

祿各用其德能也正義若小言受大祿則臣濫若大言受小祿則君重財而薄德也

易曰不家食吉

注此大畜象辭也象

曰不家食吉養賢也言君有大畜積不與家食之而已必以祿賢者賢有大小祿有多少呂與叔曰利及天下澤及萬世大利也進一介

之善治一官之事小利也張子曰利非歸己之利大言入則吾道可大行是大利也

子曰事君不下達不尙辭非其人弗自

注不下達不以私事自通於君也不尙辭不多出浮華之